

*Together*  
FOREVER

MOTOCADÉ  
PARTI LEPEP  
DIMANS LE 13  
DESANM 2015,  
STAD LINITE  
APARTIR 10ER  
BOMATEN.

# SNP I PEY DIMOUN POUR AKIZ PARTI LEPEP POUR ASTE KART IDANTITE

Annans en recording telefonn ki en o zofisyè dan lopozisyon i annans lo son telefonn, apre ki in pey en boug pour koz lalang pour dir ki Parti Lepep in aste kart idantite 15 dimoun ki travay Providans. SNP pe menm mont en tel kanpanny dan son PPB. Parti Lepep i oule denons sa lakizasyon e demann SNP pour aret pey dimoun pour koz lalang

lo Parti Lepep. Sa bann kanpanny malisyè pa pou fer Wavel Ramkalawan vin prezidan.

Par kont nou kapab demann Wavel ek SNP akoz ki pre 7er diswar dan distrik St Louis en group zenn garson ti taye pour vin vote, serten dan zis en kote soulye pe degaze? Sa sete akoz zot ti'n ganny peye pour al vote. Si en zabitan Anse aux Pins ti

kapab prouve ki in vot SNP, konbyen i ti gannyen Dimans? Sa se selman de parmi plizyè trik ki SNP in servi.

Alor noule dir zot aret pey dimoun pour koz lalang lo Parti Lepep akoz sa parti pa pe aste kart idantite personnn. Parti Lepep pa fer trik dan eleksyon, sa nou kit pour SNP ki oule pouw a tou pri.

**James, Alix Michel**



# SNP PANKOR GANNY POUVWAR, VIKTIMIZA- SYON I KONMANSE

**E**n lorganizasyon maritim ki son management in toultan ganny enfliyanse par aktivis SNP, in pous en msye ki annan plizyer bato ki abitye servi sa lorganizasyon e son landrwa, zis akoz sa msye setfwasi in donn Prezidan Michel en vot.

Pour rezon legal nou pa kapab

pibliy sa let me selman i montre nou kimanyer SNP pou viktimiz dimoun, fer revanz avek dimoun ki pa'n siport li dan leparse. Me noule dir SNP ek son bann aktivis ki Sesel pour Seselwa. Dan nou demokrasi pa sipoze annan viktimizasyon e malis. Lepep Seselwa pa pou toler sa

bann kalite aksyon, zot pa pou vote pour met en gouvrenman SNP opouvwar. Zot pou toultan reste dan lopolizasyon akoz zot kontan zis pil lo dimoun. Parti Lepep pou kontinyen pran swen ek Seselwa.

## NOU'N MATIR, ANNOU REFLESIR

**O**zordi i nou tour pour kriy sov nou pei. Nou'n ase matir, nou tre obzervan e nou tann tre byen ki pe pase, nou war ki'n arive. Eleksyon pe al dan dezyenm tour e lopolizasyon pe selebre, zot ver pankor plen zot pe kriy ipipip, zot pe fer en ta dezord akoz zot ensivilize, zot arogan parey zot lider, sa menm lider ki sak fwa eleksyon i rod lezot parti pour marye avek li. Litousel i pa kapab. La osi nou war Pat Pillay, sa zida ki'n lev son siporter e al delivre dan lanmen Wavel. Pat Pillay pe pil lo son prop siporter. Ouvrer zot lizye. Zot in ganny servi avek sa de boug malonnet. 5 an pa 5 zour. Sa gro ros in byen fonde e stab dan later, zot oule roul li, mon bann zanmi konnen ki ler ros in roule i pou reste en gran trou kot ros ti ete e nou tou sirtou bann dimoun ordiner nou pou plonz latet anba ladan.

*(En ansenyan, Machabee)*

## KI KALITE FIL KI WAVEL IN MET EK SON KAZO POUR FER LI AKSEPTÉ SA GRO IBOU ?

**W**avel in deza dir ki tou bann dimoun ki dan Parti Lepep oswa in deza SPPF i koronpi. Me kimanyer nou war li pe pran de dimoun ki gouvrenman Parti Lepep in pouse pour met dan son swadizan prosen gouvrenman? Eski sanmenm sa kalite gouvrenman ki Seselwa i oule pour diriz nou pei? En gouvrenman tonton makout !

# OU KI TI VOT POUR LALYANS, ESKI OU POU DONN OU VOT SNP?

**O**u'n dir ki ou'n vot Lalyans akoz ou annan fristrasyon. Nou konpran ou sitiasyon e en travay in konmanse pour rezourd ou sitiasyon. Eleksyon le 5 Desanm 2015 ou ti pas ou mesaz dan bwat vote. Donn nou en sans pour rezourd ou sitiasyon. Si ou ensiste pour siport Lalyans e vot pour Wavel Ramkalawan, demann ou lekor si ou ti pou anvi responsab pour met en sistenm an plas ki kapab detrir ou pei konpletman.

Ou ki'n ne e grandir avek konviksyon Parti Lepep, avan sa SPUP e SPPF, eski ou pou vot pour en dimoun parey Wavel Ramkalawan ki'n dir ki si en zour i ganny pouvwar i pou

revanze? Konbyen rasanbleman pour fer dezord ki son parti in organize avek bi fer vyolans dan nou pei? Zot rapel le 3 Oktob 2006 kan zot ti esey kraz batiman anvil e apre akiz lafors lapolis pour viktimiz zot ? Zot rapel kimanyer zot ti anvi servi vyolans pour proteste kont Sheikh Khalifa la Misere, e anmenn en kanpany kot zot in esey sali limaz Sesel aletranze ? Ozordi pa zotmenm ki pe vann later ek Arab ? Lekel ki benefisye ek tretman spesyalize dan Sant Khalifa dan Lopital Sesel? Sa bann lakaz Perseverans, konbye fanmiy ki'n vot SNP ki reste ladan?

Ki ti arive Dimans apre ki Wavel

ti krwar ki in fer laviktwar dan eleksyon? Zot in fer en pake dezord e menm ensilte e menas touris. Kanmenm in renye me tou sa ki annan lizye ti war e konmans resanti en lafreyer.

Ou ki ti siport Lalyans, ou'n toultan annan ou pei a ker. Ou paran ti donn koudmen lite 'Lanmen dan Lanmen' ek nou pou rod Lendependans pour Sesel. Ou ti donn lanmen devlop Sesel anba baner SPPF e pandan 11an avek Prezidan Michel ou'n war Seselwa koste dan linite pour anmenn Sesel pli devan. Pa les en pti fristrasyon fer ou vote pour detrir lavenir ou zanfan, e ou patri.

## PA TRAI OU PATRI

**A**nnou zwenn ansanm pour Aanpese ki nou pei pa tonm dan lanmen Wavel Ramkalawan. Si nou les sa arive nou ava pe trai nou patri. Anba Ramkalawan nou pep e nou pei pou soufer, nou pou pas dan en peryod pli terib ki nou patri zanmen in

eksperyans. Wavel napa en leker pour person. Legzanp i la devan nou. I refize pey pension fund sa madanm ki'n travay ek li pour plis ki dizan, sa menm madanm ki'n okip son manman e son piti. Ozordi sa madanm napa drwa pour en pansyon akoz Wavel pa'n pey

son pansyon. En imen i fer sa ek son prosen ? Annou vot pour Prezidan Michel pour lanmour Sesel. Ou ki'n vot pour lopoziyon dan premye round, nou envit ou pour retourn kot lepep e vot pour Prezidan Michel.



**J**effrey René ki reste Au Cap i dir ki tou son lavi in vot SNP ziska semenn pase i ti donn Wavel son dernyen vot. « Mon'n reflexir e decide ki la keksoz i serye. Mon pa kapab negligizan ek mon vot. Ozordi ki mon war valer mon vot. E mon pa pe vot pour Wavel Ramkalawan.»

Msye René ki tou son lavi in en aktivis Wavel ki ti abitye swiv li ek SNP dan tou zot rali, miting in war klerman ki Wavel ek tou sa politisyen dan lopoziyon se bann oportinis. « Mon'n asize e mon'n reflexir e mon war ki menm bann lezot politisyen ki'n vini zot ti la, ozordi zot pa kapab vin dir pa bon. I annan tro bokou oportinis »

« Mon mesaz pour tou siporter ki'n abitye vot pour SNP dan lepase se asize e reflexir byen. Pa fer parey labitid pour negligizan ek nou vot. Sa enn fwa i serye. Nou bezwen vot pour Prezidan Michel ek Parti Lepep. Se gras a sa sistenm ki nou ganyen.

Mon pa bezwen okenn faver oswa rekonpans pour pa vot pour SNP. Mon senpleman war ki 38 an Parti Lepep in konstrir sa pei. Get kot nou'n arive.

Mon ti ek SNP depi ler ti Parti Seselwa zanmen mon'n vot Parti Lepep. La mon war keksoz serye. Mon repete mon vot i annan en valer. »

# OZORDI MON WAR VALER MON VOT, E MON PA POU VOT WAVEL



**S**eselwa Ansanm annou mentenir lape e prosperite dan nou pei. ANSANM pa les personn fer nou per. ANSANM annou sov lavenir nou zanfan demen. Le 16-18 Desanm, vot pour JAMES MICHEL EK PARTI LEPEP, ki en PARTI LAPE.

**Sandra Estico**